

၂၀၁၆ ခုနှစ် ဇူလိုင်လ ၁ ရက်နေ့

Zomi Lutheran Church of Myanmar



LAI SIANGTHO LEH

LUTHERAN PAWLPI HILH THU

Presented by:

*Pastor Todd Ohlmann
Board of Missions Chairman, CLC, USA*

azi amawhna lobuang, azi amak a, numei dangtawh atenleh numei tung amawh ahihi, ci in adawng hi.

1 Cor 7:15 Ahizongin thu umlo zi in ahi a, thu umlo pasal in ahizongin kikhen ding autleh kikhenta uhhen. Tua bang thute ah thu umzi ahi a, thu um Pasal ahizongin, a awkna ding thu omlo hi. Pasion in nuamtakin anunta dingin ahong sap ahihi.

Late 51: 10 Pasion aw kei masungah lungsim siangtho hong piangsakin la atha amaan ngaihsutna kasungah hong guanin.

LAI SIANGTHO LEH LUTHERAN PAWLPI TE HILH THU

(What the Bible and Lutherans teach)

By: Harold A. Essmann

Tuma kum 500 hunlai in, Khristian biakna thu hilh manlo tampite hangin siatna hong tun ahihi.

Mihing min anei Martin Luther in Lai Siangtho thu maan mite maikaihin hong hilhkik ahihi. Amah leh alawmte nasepkh-iat pen (Reformation) kibawlphatkikna kici hi. Luther tungtaw- nin Pasion in Pawlpi sung ah biakna thu zuih siantho sakkikna leh athak nuntakna Khazih hangin upna ihneihna ahihi.

Lutheran Pawlpi upna pen athak hiphingphing lo hi. Lai siangtho bek ahilhite ihhihi. Lutheran Pawl pi pen biakna akip- huanthak cih zong hilo hi.

Hih pen biakna dangzuihna ahikeileh biakna paizia khel themthumna hilo hi.

Hih Pawlpi hilh bulpi in Pasion kammal agelh kamsangte thuciamlui leh nungzuite thuciamthak ate ahihi. Lai siangtho hong gen in ah Zeisu Khazih thu ahihi.

Lutheran Pawlpi hilh thu in Khristian masate leh nung- zuite hunlai a, thulaigil akigelh lai masa pente ahihi.

Hih laibuuneu ii hong theihakin Lai siangtho leh Lu- theran Pawlpi hilh thute ahihi.

Lai Siangtho leh Lutheran Pawlpi hilh thu pen amaan Pasion kammal Lai Siangtho ahihi. Kha Siangtho in tha lawp-sak ahihi. Pasion in agelhte tungah humuamin ngaih sutkhiatna leh agelh ding kammal(thute) pia hi. Lai Siangtho sunga akigelh thute amaan thu ahihi. Lai Siangtho taang khatin Lai Siangtho taandang khat mah hilh cianzel ahihi. Khristiante nuntakna leh upna amakaihleh ahilh buu zong ahihi. Eite in kulhkalta kin simin ihsin ding thu ahihi. Kiciantak a hong hilh eite khempeuh theih a, ihngah ding thu in tawntung gupkhiatna thu ahihi.

2 Pet 1:21 Banghanghiam cihleh mihingte in adeihmanin mailamthu genkholh theihna akingah hilo a, Kha Siangtho sawlna tawh Pasion kiang panin ahong pai thute akigen ahizaw hi.

1 Cor 2:13 Tua ahimanin hih bangin thu kahonggenuh ciangin zong, mihingte hong hilhpilna kamte azang hilo in, Kha Siangtho anei mite tungah Kha tawh kisaithu kagenuh ciangin Kha Siangtho in ahong hilh kammalte zangin agen kahi uhhi.

2 Tim 3:16 Lai Siangtho kammal khempeuh Pasion humop ahihi.

Jn 10: 35 Lai Siangtho kammal khempeuh maimang ngeilo ding hi.

2Tim 3: 15 Khrist Zeisu upna hangin hotkhiatna ahong ngahsak thei ding pilna ahong pia Lai Siangtho pen na neutung akipanin a theisa nahihna thu zong natheihsa thu mah ahihi.

Lk 11: 28 Ahizongin Zeisu in Pasion thu za in azuite hamphazaw lai hi ci in adawng hi.

Jn 5: 39 Nuntak tawntung ngahtheihna ding lametna tawh Lai Siangtho sungna limsim mahmah uha, tua nasimuh Lai Siangtho in keima thu mah genin teci pang napi in,

KITENNA LEH KIKHENNA(MARRIAGE AND DIVORCE)

Lai Siangtho leh Lutheran Pawlpite hilhthu in kitenna pen Numeikhat le Pasak khat kigawmkhawmna ahihi. Hih bang kipawlkhawm nuntakna ah ait huai lutaang Pasal ahihi. Kitenna Pasion hong phuatkhiat ahihi. Hih pen asiantho akitam ngeilo nuntak khopna ahihi. Akiteng mite hong mawh uhleh Lai Siangtho deihna bang a akikhenloh ding uh ahihi. Pasion mai ah taimangna ahikheileh kikhenna omlo a angkawmna thu ahihi. Utna lam khatneihna angaihsut huai kitenna in athupilo alian mahmah innkuan, pawlpi leh gamsung buaina apiang sakte ahishi.

Piancil 2: 18 Tua ciangin topa Pasion in mipa amah guak aom ding hoihlo hi. Ama ading akituak ahuh ding kabawl dinghi aci hi.

Ephe 5: 24,25 Pawlpi pen Khazih khutnuai ahih mah bangin zite zong thu khempeuh ah a pasalte khutnuai hidinguh hi. Pasalte aw Khazih in pawlpi itin apumpi apiak mah bangin azite uh na it un.

Heb 13:4 Mi khempeuh in nupa thu thupit ngaihsun uhhenla zite pen pasalte tungah citakin pasalte zong azite uhtungah citak uhhen. Pasion in athahat mite leh nulepa mawhna agamta mite tungah thukhen ding hi.

Mt 19:9 Note kiangah kong genin ah mikhatpeuhin midangtawh

Paikhiatna 20 13 Mina that kei ding hi.

Late 139: 13-16 Banghanghiam cihle ka kumpi nakhempeuh ahong piangsaka ka nugilsungah kei mah nong khuituah hi. Kihlak dingin akilawm nahihmanin nang kahong phat hi. Na nasepnate lamdang mahmah nang mahin kei nong lim theihmahmah hi. Ka thuakna sungmun simthamah kei hong kikhuituahin hong kibawllaitakin kaguh kataang namai-ah kiliah lohi. Akipiangsaknailo kei ma pumpi nate namitin amu hi. Ka pumpinate khatbek aomma ka nizah ding akiciangtanlaitak in tuate khempeuh nalaibu sungah kigelh khin hi.

Jer 1:5 Gilsungah kong bawlma in nang kong theikhin zo hi. Nasuah main nang kong teelkhinzo a, minam dangte tungah kamsang dingin kong koih khinzo hi hong ci hi.

Late 31: 15 Keima nuntakna nangma khut sungah om hi.

Lai Siangtho leh Lutheran Pawlpi hilhthute in amaan Pasian thubek ahihi. Hih Pasian pen kimutheilo, siangtho, tawntung leh anaa khempeu leh pilna nei hi. Lai Siangtho sungah amahleh amah thumgawm Pasian ahihna Pa, Ta leh Kha Siangtho in hong kilangin hong hilh hi. Tua ahihmanin Tothumgawm Pasian khat akici ahihi. Amaute thuneihna, vanliatna leh adang thute ah zong akikmuh ahihi. Hihte lakah khatnialin ihkimanghilh bawl khakleh abekpi in anial zong ihsuak pah hi. Nanglehkei hong bawl Pa, gumkhia Pa leh hong siangsak Pasian ahihi.

Thuhilhikna 6:4 Israelte aw za un Topa i Pasian Topa khatbek ahihi.

*Mt 28:19 Tua ahih ciangin note pai unla, midang khemp-
euh keima nungzui mi suaksakin, Pa, Tapa leh Kha Siangtho
min tawh tuisungah naphum un.*

*Jn5:23 Tua ahihmanin Tapa azahtaklo mi khempeuh pen
tapa asawl Pa Pasian zong azahtaklo ahi uhhi.*

Pian1:1 Akipatcilin vantungle leitung apiangsak hi.

*1Jn 2:2 Tua Zeisu hangin eite mawhna hong kimaisak a,
eite ading bek hilo in leitung mi khempeuh mawhna zong amai
nading ahihi.*

*Rom 15:13 Kha Siangtho huhna tawh note lametna akhan
semsem theihna dingin lametna ahong pia thei Pasian in amah
na upna uh hangin lungdamna le nopsakna tawh note hong ki-
dimsak taken.*

Lai Siangtho leh Lutheran Pawlpite hilhthu in Pasal leh Numei pen atuamvivel in Pasion hong bawl ahihi. Mi masa Pa pen leivui tawh abawl hi a, amasa Numei pen Pasal nakguh pan ahihi. Amaute Pasion limlemel suna kibawl, kipiangsak ahihi. Tua mah bangin amaute mawhneilo in Pasion pik, akician theihtheihna nei uhi ahihi. Adam leh Eve mawhna masas in Pasion limlemel susia mang khinta hi. Mihingte Pasion humop khakinei a, aki piangsak ganhingten kha neilo uhhi. Ama bawlsa nate tungah a ukding, thunei dingin Pasion in eite hong koih ahihi. Mihingte in ih utbangin semthei, teelthei nuntakna ihnei hi. Ahizongin Kha Siangtho bekin Pasion thu tung tawnin na hong sem theibek a, Pasion itsak dingin mite tungah makaihiamna hong guan ahihi.

Pian 2:7 Topa Pasion in leilak pana leivui tawh mihing bawla, anak sungah nuntakna husang suk hi. Tua mi pen leitung nuntakna anei mihing hong suak pah hi.

Pian 2:22 Topa Pasion in mipa tung panin alakkhiat nakguh pen numei khatin bawla, mipa kiangah tua nu apaipih hi.

Pian 1:26 Tua ciangin Pasion in Eima lim eimah hong sunin mihing bawlni, Nate khempeuh tungah ukna neisak ni aci hi.

Ephe 4: 24 Athutang asiangtho ahihna thu nuntkana mahmah panin akilang sak Pasion pianzia tawh kibangin akibawl na ngeina thakuh bangin na nungta un.

Col 3:10 ngeina thak tawh ktuakin gamta un. Eite ahong piangsak Pasion akicingtakin itheih semsem nadingin amah asun dingin ahong thakbawl tawntung ahihi.

1Cor 2: 14 Ahizongin Kha Siangtho aneilo mite in Pasion Kha Siangtho in ahong piaknate sangtheilo uhhi. Amau adingin ahaihui thukhat ahilel hi.

NAUHIHSIATNA LEH AMAHLE AMAH UT A KITHAT NA(ABORTION AND SUICIDE)

Lai Siangtho leh Lutheran Pawlpi hilhthu in mihingte nuntakna in ahoih Pasion hong piak letsong ahihi. Eite nuntakna pen hehpihna lunhoih ihngah sungin gupkhiatna lampi Zeisu Khazih ih upna tungtawn in ihsin ding ahihi. Pasion bekin hong piaksa amaan nuntakna a utbangin hong lathei ahihi. Nuntakna ngaihnutna tawh hong kipan in, atawpna ah ih kha in ih pumpi hong nutsiat ciang ahihi.

Sawltakte 17: 25,26 Amah pen mikhempeuh tungah nuntakna leh nakhempeuh apia pa ahihmanin mihingte in ama adingin nakhat peuhpeuh asepsak ding akisam ahikei hi. Mihing khat tungpanin leitung minamkhempeuh hong piang sakin leitung mikhempeuh ah aomsak hi. Amahin mihingte apiangsak mapekin mihingte nuntak tanveiding leh atenna dinguh mun asehsa ahihi.

Isai 55: 6 Akimuh theih hunlai in topa zong unla amah anai omlai in thungen un.

2Cor 6: 1,2 Note khatlekhat thu kakineih uhciangin Pasion misiangthote khensak zawloin lawkkii thukhente maina kitunngam uhhi. Pasion mite in leitung mite thu akhensakzaw ding ahihlan theilona hi uhham? note pen leitung mite thu akhensak ding nahihuh ciangin tua bang thu neuthe khentheilo lawmlawm na hihuh ham?

Lai Siangtho leh Lutheran Pawlpi hilhthu in biakna sungbek ah hilo in, kumpi thunei ki-ukna khempeuh ah zong Pasion hong hilh sinsak thu ahihi. Tuamah bangin Khristiante in hong uk kumpite thu mangin, Pasion thu mangloh ding hong cihkei buanguhle amauthute zong man ding ahihi. Pasion in kumpite hong pia in thupiakna ahoih semna akem dingin leh kilemna tawh Pasion deihna bangin nuntakna leh gammi hihna tawh daitak a nuntakna ahihi.

Rom 13: 1-5 Akua mahpeuhin hong ukte thuna mangci-at un, banghanghiam cihleh Pasion thukimpilhoin kuamahin ukna thuneilo hi. Ukna thunei icihmite pen Pasion koihmite ahihi. Tua ahihmanin ukna thuneite anialte pen Pasion koihsa mite anialsuaka, tua bangmitein thukhenna athuakdinguh hi. Banghang hiam cihleh gamukmite pen agamtat hoih mite kihtak ding hilo a, mitatsiate kihtak dinghibek hi. Ukna thu aneite kihtalo in na omnopuhle ahoihin gamta un. Tuahile amaute in note hong pakta in hong phat dinguh hi. Ukna thuneite pen note hoihna dingin Pasion nasemte ahi uhhi. Ahizongin asia in agamtat uhle gimna hong piataktak ding ahihmanin nalau dinguh ahihi. Banghang hiam cihleh amaute pen Pasion nasemte ahi a, asia in agamta mite tungah Pasion hehna bangin gim apia dingte ahi uhhi. Tua ahihmanin Pasion gimpiak ding kihta hang bekhilo in ahiding thumah hi ci a, theihna tawh upna thu aneite thu namang dinguh ahihi.

Sawltakte 5: 29 Mite thusangin Pasion thu kamang zaw dinguh hi.

1 Tim 2: 1,2 Amasa pen in kong gennop thu in mikhempeuh adingin Pasion tungah ngetna thungetna thumna le lungdamkohna naneih dinguh ahihi. Elte nuamtakin om thei in biakna lungsim nei in akilawm takin i nuntaktheih nadingin kumpite le uliante adingin thu nangetsak un.

Lai Siangtho leh Lutheran Pawlpi hilhthu in thumgawm Pasion lakah khat ahihi. Pasion pen Kha ahihi. Tua ahihmanin Pa pen mikhat bek ah akikhumcip leh amulo cih bang hizenzenlo hi. Amah pen Pa ci in kizam hi. Banghang hiamcihleh Zeisu Kha zih Pa hi a, Zeisu a ummi khempeuh Pa zong ahihi. Na khemp-euh abawl, apiangsak Pa zong ahihi. Pa siangtho in, thumaan leh itna tawh kidim hi. Pa mahin abawlsa nate leh mihingte khemp-euh tuni dongin hong kemlilai ahihi.

Mt 28:19 Tua ahihciangin note pai unla, midang khemp-euh, kei ma nunzui suaksakin, Pa, Tapa leh Kha Siangtho min tawh tuisungah naphum un.

Jn 4:24 Pasion pen Kha ahihi.

Jn 20 :17 Tua ciangin Zeisu in, kei hong lenlen nawnkei in ka Pa kiangah apaito nailo kahihi. Ka sanggamte kiangah vapai inla kei ma Paleh note Pa kei ma Pasion leh note Pasion kiangah ka pading hi ci hi ci-in vagensak zawin aci hi.

Siampilaibu 19:2 Isarel mihong khempeuh kiangah hih bangin genin note na siangtho dinguh hi. Banghang hiamcihleh topa note Pasion kei mah kasiangtho hi.

Malachi 2:10 Eite khempeuh in eite ahong piangsak Pasion ahi, Pa khat bek nei hilo ihhihiam? tua hinapi in banghangin eite khatlekhat tungah citaklo in ii pu ii Pate tawh abawl Pasion thuciamna palsat ihhi hiam?

Paikhiatna 34: 6,7 Ama maiah Topa pai in topa topa hehpihna nei in adik Pasion lungduai in itna kipleh tutakna tawh adim mitultampite adingin itna kip anei mawhna thupalsatna leh khialhna maisakin ahihhangin bangbang hitaleh mawhna akhah khawngngeilo Pate mawhna tate tungleh tute tung khang thum khanglina dongin athukpa ci in apulak hi.

Rom 8:32 Amah tapa nangawn siitlo in eite khempeuh adingin hong piakhia ahihmanin nadang khempeuh zong hong piazaw kanding hilo ahi hiam?

Lai Siangtho leh Lutheran Pawlpite hilhthu in akipatci hun a Pasion bawlnate vanle lei leh akipiangsak nate khempeuh ahihi. Amah in niguksungin nate bawl hi. Amahin ama vangli-atna kammal tawh nakhempeuh piangsak ahihi. Bangmahlo pan in a pian sak hi a, Pasal leh Numei zong Pasion in atuam vivel in hong bawl hong piangsak ahihi.

Piencil 1:1 Akipatcilin Pasion in Van tungleh Leitung a piangsak hi.

Piencil 1: 31 Pasion in abawlsate khempeuh en a,hoihsa mahmah hi. Nitak hong bei in zingsang hong tunga, anigukni ahihi.

Paikhiatna 20:11Banghang hiamcihlele aniguk sungtengin topa n Van leh Lei, tuipi leh tuate suanga om khempeuh bawl a, ani sagih ni tawlnga hi. Tua ahieh ciangin topa in Sabbath ni thupha pia in siangthosak hi.

Late 33:6,9 Topa kampauna tawh vangtung pianga, akam pana husanna tawh vantung nate apiang hi....Amah in thu pia a, nakhempeuh hong om hi.

Mk 10:6 Ahizongin piencil lai in, Pasion in numei leh pasal abawl hi.

Heb11:3 Pasion kampauna tawh leitungle vangtung pianga, tu a imuh theih nate aomnailopi panin hong pian hi ci-in i upna bekmah tawh athei ihihi.

Lai Siangtho leh Lutheran pawlpi hilhthu in biakna ah naupangte pilna pen abulpi nulepate mawhpukna hi a, athupi pen ah Pate ahihi. Pawlpite in nutepate huhin akiphuan sanginnte leh kipawl na tuamtuahte ah Khristian upna siansakin, hilh ding ahihi. Khangnote leh khanghamte akizomin asim ding uhleh mimal Lai Siangtho simna aneih dinguh banah Pawlpi in Lai Siangtho simna hun zong neih ding ahihi. Eite khempeuh in hoihtak a ihkep ding leh naupangte leh eite suanga upna thahat sak ding ahihi. Lai Siangtho simna, sinnate hangin ih gam, ih pawlpi leh ih inn kuansung hong thahatsak ahihi.

Mk 10: 14 Zeisu in tua thu aphawkciangin ahehsuak a anungzuite kiangah Naupangte kham kei unla kakiangah hong piangsak un. Banghanghiam cihle Pasion ukna sungah hih bang mite aom aih.

Ephe 6:4 Pate aw na tate uh ahehtheih nadingin bawl kei unla Khristiante ngeina tawh kituakin taii in hilhin pantah un.

Jn 21: 15 Zeisu in “ Ka tuute nakem in aci hi.

Sawltakte 17: 11 Thesalonika khuamite sangin Berea khuamite inmipi lungsim neizaw uhhi. Amaute in lawp mahmahna tawh Paul thugente ngai uh a, Paul thugente mantaktak hiam ci-in atheih nadingun nisimin Lai Siangtho asim uhhi.

Jn 5: 39 Nuntak tawntung ngahtheih nading lametna tawh Lai Siangtho sungna limsim amhamh uh a, tua nasimuh Lai Siangtho im keima thumah genin teci pang napi in.

Paunak 14: 34 Thumaanna in minam mithangsak a,mawhna in minam midai sak hi.

Lai Siangtho leh Lutheran Pawlpi hilhthu in amaan kigawm-khawpna pawlpi pen Lai Siangtho upna hong hilh Khristiante thukim mawhpulakna theihciat ding ahihi. Kipawlnate ahikeileh Pawlpi zat thukhun lungkimnate athupi masa ahikei hi. Lai Siangtho thuciam thakin thutuamtuum hong sawlin hong pialo hi. Upna sungah akituak mite leh upna laigil hong genkhi-atna maute kithutuahna tawh biakpiakna, nekkhawmnekna, thungetna leh pawlpi nasep sepkhawmna cihte ahihi. Biakna kipawl khopnate hangin amanlo mawhpulakna hong lakkhiatin ngaihsutna ahikheile kidalna cite hongphal mawk ahihi.

Ephe 4: 3-6 Kha Siangtho kimaikaihakin khatlekhat kilemin pawlkhat nahinna uh nakipsak tawntungun. Akibang lametna khat bek angakhawm dingin Pasian in note hong sap mah-bangin eite khempeuh pumkhat bek hi i Kha Siangtho zong khat bek mah aneikhawm ihi hi. Topa khat bek, upna khat bek, tuiphumna khat bek mah azangkhawm ihhi hi.

Heb 10: 23-25 Pasian in piak dingin ahong ciam thu muangngam ihihmanin ilametna thu kiptakin lenni. Khatlekhat ki itin ahohi nate isep nadingin kihanthawn ciatni. Mi pawlkhatte in kikhop apelh banghilo in eite in kikhop khawm-nate pelh loin om ni. Topa hong pai ding NI hong naina thu thei ihihmanin khatlekhat kihanthawn semsemzaw ni.

Rom 16: 17 Lawmte aw note theihsa thute gensia langpangin mite upna nawngkaisakin pawl akikhensak mite kidawmun. Tuabang mite tawh kikhawlbet kei un.

Lai Siangtho leh Lutheran Pawlpi hilhthu in Pasian in athukhaam mihingte apiangsak akipanin lungtang sungah hong gelh ahihi. Mihingte ngaihsut theihna in tua thukhaam teci hong pang ahihi. Thukhaam theihna in mite lungsim mawhnate hong theician sakzolo hi. Pasian in thukhaam namsawm hong piakik hi. Pasian thukhaam in hong sawlthu in eite ngaihsutna, thugena leh sephiatnate ah thumang ding ci hi. Mawh nei khempeuh mawhsak hi. Thukhaam zuihna, kepna tawh kuamah gupkhiatna ngahlo hi. Pasian thukhaam hong sepsak thu in ihmawhnate hong lakkhiain, ih Khristian nuntakna ah lam hong hilhdingleh mawhna, mawhsak Pasian hehna hong tunlohna ding hong hilh ahihi.

Thuhilhikna 10:4 Kikhop sungin meisung panin mualtungah topa in note tungah hong gensa thupiak sawmte amasa a akigelh bangin tua suangpeekte tungah amah in gelh a tuaciangin topa in kei tungah tua suangpeekte hong pia hi.

Mt 5: 48 Tua ahihmanin vantungah aomna Pa uh acingtaak mah-bangin note zong lungsim citakin na cingtaak nadinguh nahanciam un.

Jn 1:17 Pasian in Moses tungtawnin thukhaam hong pia a, ahizongin Zeisu Khazih hangin itna le cihtakna thu hong pai hi.

Rom 7:7 TUA ahihleh thukhaam mahmah pen asiahuai ahi hiam? A siahilo hi. Mawhna bang hiam cih thukhaam in hong theitel sak hi. Thukhaam in Hazatna lungsim nei kei in ci in genlohileh haza icih bang ahi hiam ci-in ka thei kei ding hi.

Rom 3: 22,23 Tua thu in Jew mile Gentail mi kuamah akilamdanna omlo in Zeisu Khazih upna hangin mi khempeuh in Pasian tawh kipawl theihna angah hi. Mi khempeuh mawh ciat uh a, ahong honkhia Pasian tawh kigamla uhhi.

Rom 3: 20 Thukhaam in mihingte mawhna kilangsak thei bek ahihmanin thukhaam zuihna hangin kuamah in Pasian tawh kipawl theihna ngahzolo hi.

James 2:10 Mi khatpeuh in thukham dang khempeuh azuih hangin khat akhiahnak leh avekpi in akhial mah ahihi.

Late 119:9 Tangval khatin ama gamtatna asiangtho mahmah dingin bangci kep ding ahi hiam? Nangma thu zuihna tawh ama gamtatna siangthosak thei ding hi.

Lai Siangtho leh Lutheran Pawlpite hilhthu in amasa Pasal leh Numei ten Pasion limle mel mangsuah uh a, amauten satan ze-etna leh Pasion thupiak amanlo nate hang ahihi. Pasion thu khenna amaute tung hong tunna hang ahihi. Tuahun akipanin mi khempeuh mawhna tawh apiang asuakhiate ihta hi. Tua bannah ahoihlo nate sepnop na nei in, Kha thu ah asi ihita hi. Eite sepna leh hoihna hang bek tawh Pasion kiang kilemna abawl theite ihi kei hi.

Piencil 2:17 Ahih hangin apha le asia theihna singkung gah pen nane kei ding hi. Bang hanghiamgcih leh tua nanek ni in nasi ding hi aci hi.

Late 51:5 Akhialsa mahin kei kasuak a, ka nu in agilsuangah hong paii tunga kipan amawhsa kahi hi.

Ephe 2:1 Abeisa hunah nathumanlohna uhle namawhna uh-hangin Kha thu tawh kisai ah asi nahi uhhi.

Jn 3:6 Mihing sung panin asuakte mihing mah hibeka, kha tawh asuakte pen kha mi ahihi.

Late 5:4 Banghang hiamcihle gitlohna lamsang adeih Pasion nahikei a, siatna pen tawlkhat zong nang tawh aomkhawm thei ahi kei hi.

Rom 5:12 Mi khat hangin leitungah mawhna hong om a, tua mawhna hangin sihna hong piang hi. Mi khempeuh mawh uhahih manin tu a bangzia in mi khempeuh tungah sihna hong tung hi.

IJn 3:4 Mawhna icih pen thukhaam palsatna ahih manin amawh mi khempeuh thukhaam palsat ahi uhhi.

Rom 8: 7,8 Mikhempeuh in ama pumpi deihna aki uksak ciangin Pasion thukhaamte zuilo ahih manin Pasion galsuak a, azuihnop hangin zong zuiheilo hi. Amau pumpi deihna bangin agamtate in Pasion lungdamsak theilo uhhi.

Upna ihcih thu in akipawlkhawm mihingte upleh hilh thu ahihi. Upna thu, thuthum oma, leitung Khristiante zattle zuih thu ahihi. Tua pen Nungzuite upna, Nicene upna leh Athanasian upna kici hi. Hih bang upna thuhilh nate pen Lai Siangtho sungpan akilakhia ahihi. Hih bang upna thu ah Khristian thuhilh amanlo mite aomcih thu zong theih ding ahibanah akibatlohna theihkhak ding ahihi.

1 Pet 3: 15 Na lungsim sungguh ah Khazih zahtakbawl unla amah topa in nei un. Note lametna thu ahong dong a omkhak leh hohtakin agen thei dingin kiging tawntung unla ahi zongin lungnemna le zahtakna lim tawh gen un.

Mt 10:32 Kei ma mi ahihna thu mite theihin agenkhia mite kei zong vantungah ka Pa maiah keima mi ahihna thu kagen dinghi.

Mt 16: 13-16 Sisaria Filippi gam atunuh ciangin Zeisu in anungzuite kiangah mite in Mihing tapa kei kua hihongci uh ahi hiam? ci-in adong hi. Amaute in Pawlkhatin tuiphumpa Johan hi hongci uhhi, pawlkhatin Elijah hi hong ci uhhi, pawlkhatin Jeremaih ahih kei leh kamsang khat peuhpeuh hiding hi hong ci uhhi ci-in adawng uhhi. Tuaciangin Zeisu in amaute kiangah tua ahiehle note in kei kua hihongci nahi uhhiam? ci-in adot ciangin Simon Peter in Nang pen anungta Pasion tapa Khazih na hih ci in adawng hi.

Mt 7:15 Kamsang taktak ahilote namuhuh ciangin limtakin kikemun. Amaute in atungthamah tuu lim hong pua in ahizongin asungtawng taktak uhngia hangsan bang ahi uhhi.

Late 16:11 Nangmahin nuntakna lampi keimah nong lak hi. Nangma omna munah lungdamna lianpi om a, nangma taklamah nop tawntungnate aom hi.

Rev 22: 20 Hih thukhempeuh hong genin teci apang mipa in Ka hong paibaih taktak ding hi, hong ci hi. Nacih bangin hita peuh hen Topa Zeisu aw, hong pai ta in.

Jude 6 Amau aana neih huamsungbek ah omloin aomna panun apaikhia vantung mite zong leinuai khuamial sungah sikkol kibilhin amau thu akikhen ding Ni lianpi ngakin Pasion in a koihcip hi.

Mt 25: 41 Tua ciangin aveilamah aom mite kiangah Pasion in a samsiat mite aw keima kiang panin paikhia unla Dawimangpa le anungzuite adingin akibawl meikuang tawntung sungah pai un.

Isai 66:24 Amaute aciah uh ciangin kei hong lehdo mite luanghawmte endinguh hi. Banghanghiam cihleh amau ane thant singeiloin amau akihalna meimit ngeilo dinga, amaute pen mi khempeuh kihhiding hi aci hi.

Lai Siangtho leh Lutheran Pawlpi hilhthu in lungdamna thu kahilh uhhi. Lungdamna thuhilhna in thu hoih hilhhi a, itna Pasion in Zeisu Khazih mi khempeuh mawhna pua khia, lakhia dingin hong sawl ahihi. Hih lungdamna thu mawhneite tung khawnkhong hong kipia hi a, thumaanna leh cihtakna Zeisu tung pan akimu ahihi. Pasion hong piak tawntung nuntakna leh lungdam na ih hong kamciam gupkhiatna a um mi khem peuh tungah om ahihi.

Jn 1: 17 Pasion in Moses tungtawnin thukhaam hong pia a, ahizongin Zeisu Khazih hangin itna le cihtakna thu hong pai hi.

Rom 1:16 Lungdamna thu kamuang mahmah hi. Tua thu pen amasa in Jew mi, tua zomin minam dangte, thu um mi khemp-euh a honkhiazo Pasion vangliat na ahihi.

Jn 3:16 Pasion in leitung mite hong itlua mahmah ahihmanin ama tapa a um mi khempeuh sinawnlo in ahin tawntung theihna dingun a tapa neihsun ahong piak dongin ahong itna ahong lak hi.

Col 2:13 Abeisa hunah namawhna uh hangin kha thu tawh kisai in misi nahi uh a, Gentail mi nahihman un thukhaam neilote nahi uhhi. Ahizongin Khazih hangin Pasion in note hong hingsak a, imawhna khempeuh hong maisak khinta hi.

Lk 2:10,11 Ahizongin vantung mi in Lau kei un mi khempeuh alungdamsak ding thuthak hoih khat note ading ka hong puak hi.

Ezekiel 33:11 Amaute kiangah hibangin gen in: Kei pen anungta topa Pasion kahimah bangin mawhnei mikhat asi ka muh ciangin nuamkasa hetkei hi. Amawh gamtatna khawlin anuntak ding kadeih hizaw hi. Israel mite aw na mawh gamtatnate uh khawl un. Bang hangin sinuamse na hi uhhiam?

Lai Siangtho leh Lutheran Pawlpi hilhthu in Zeisu Khazih pen mi khempeuh honkhia Pa ahihi. Amah pen tawntung Pasion tapa, Pa leh Kha Siangtho tawh akizakim ahi hi. Tua banah nungak siangtho Mary tapa zong ahihi. Mi khempeuh gumkhia dingin mi bangin hong piang ahihi. Eite taangin, amah gamtat hoih tawh hong nungta in Pasion thukhaam hong kepciangh sak hi. Mi khempeuh mawhna taangin akicingin singkhuam tungah thaman sihna tawh hongpiaksak na hangin mawhneilote ihita hi. Sihna pan athawh kikkhitteh Zeisu vanah akahtota hi. Nitawp ni ciangin mi khempeuh tungah thu hong khen dinga, anungta lai miteleh asisa athawhkiksak mite tungah.

1Jn 5:20 Pasion tapa hong pai in eite thu hong theisak ahimanin Pasion taktak athei ihihna thu ithei hi. A tapa Zeisu Khazih tawh ikipawlina hangin Pasion taktak mah tawh akipawlthei ihihi. Tua Zeisu pen Pasion taktak mah hi a, nuntak tawntungna apia thei ahihi.

Mt 1: 23 Nungak khat gai in tapa khat nei ding a, ama min dingin Emmanuel kiphuak dinghi ci hi. Emmanuel akhiatna in eite tawh Pasion hong omkhawm hi acihna ahihi.

Ephe 1:7 Ama sisan hangin eite in hotkhatna ngahin mawhnate maisakna ih ngah hi.

Gal 3:13 Khazih in samsiatna athuak manin thukhaam zuihlahna hangin samsiatna panin eite ahong tankhia ahihi.

Heb 4:15 Eite neih siampi lianpen Pa in i gitnatlohna ah eite ahong hehpih theilo dinghilo hi eite mah bangin ze-etna khempeuh athuak hi a, ahizongin mawhna abawlo ahihi.

Rom 1:4 Kha Siangtho thulamsangah cilehang misite lak panin vangliatna tawh athawhsakkikna hangin Pasion tapa ahihna thu Pasion in akilangsak hi.

Sawltakte 10:42 Kote in mite kiangah thu ka hilh nadinguh le mihing le misite tungah thu akhen dingin Pasion in amah asehna thu teci apang dingin ahong sawl hi.

Lai Siangtho leh Lutheran Pawlpi hilhthu in vantungah Pasion ompihna om ahihi. Vantungah asiangtho vantungmite om a, Pasion thupuak sawltakte hiuha, thu ummi asisate Kha tawh aom khawm ahihi. Thukhen niciangin misi khempeuh thoki ding hi. Tuabanah thu ummite Kha leh aminthang pumpi tawh hong kithuakhikin vantungah atawntungin nunta ding hi. Hihmun pen tawntung kipahna mun hi in, tua munah khitui luanna leh dahna omnawnlo ding ahihi.

Thuhilhna 12:7 Ipumpi lei suakkik ding a inuntakna ahong pia Pasion kiangah ikha ciahkik tading hi.

Heb 1:14 Vantung mite pen Pasion na asem akimu theilo khate hi uh a, hotkhatna angah ding mite ahuh dingin Pasion in ahong sawl ahihi.

Philipih 3: 21 Amahin nakhemoeuh ama khutnau ah koihna in azat vangliatna mah tawh aginalo ileitung pumpi pen ama a mahbangin aminthang pumpi tawh hong kheelsak ding hi.

1Cor 15: 52 Pengkul nunung hong ginciangin mitphiat kikal sungin ikikhelak ding hi. Banghanghiam cihleh peengkul hong ginciangin misite asitheo nawnlo dingin hong tho dinga, ivekpi in ikikheel ding hi.

Rev. 21: 4 Amaute mit panin khitui khempeuh nulsak dinghi. Thu luisate maimang khinta ahihmanin sihna dahna le nasa akahna cihte omnawnlo ding hi aci hi.

Lai Siangtho leh Lutheran Pawlpi hilhthu in asiangtho nekkhawm zatna pen asiantho nasep hong sinsak Khazih ahihi. Anlum leh lenggah tuitegeln Zeisu taksale sisan taktak eite hong ngahsak hi. Hih bang an thupi sungah Zeisu in mawhna maisakna hong pia in, eite upna zong hong thahat sak leh a um mikhempeuh tungah tawntung hotkhiatna hong pialai ahihi. Amawhna akisik peuhmah tungleh acingtaak hong thupiak bang angah Khristian upna hangin hih nekkhawm nasep akiswm, akiahawm akizang ahihi.

Mt 26: 26-28 Tuabangin an anek laitakun Zeisu in anlumla in lungdamna akohkhit ciangin balnen a anungzuite kiangah pia in La unla ne un, hih pen ka pumpi ahihi aci hi. Tua ciangin haila a, lungdamna akohkhit ciangin amaute tungah pia in Navekpi un dawn un. Mitampite mawhna amai nadingin alung khia Pasion thuciamna akipsak kasisan ahihi.

1Cor 10:16 Nekkhawm bawlina ah leenggahzu hangin Pasion tungah lungdam na ko in idawn ciangin Khazih sisan hangin thuphate eite in zong angahkhawm cihna hilo ahi hiam? Ibalnen anlum inek ciangin zong Khazih pumpi hangin thuphate mah angahkhawm cihna hilo ahi hiam?

1Cor 11: 27,28 Tua ahihmanin akilawmlopi in Topa anlumne in ahai panin leenggahzu adawn mi peuhmah pen topa pumpi le asisan amindaisak hi in a mawh ahi uhhi. Tua ahihmanin akuamah peuh ki entel masa phot uhhenla tuakhitciangin topa anlum nein ahai panin leenggahzu dawn pan taken.

1 Cor 10: 17 Anlum khatbek hi a, eite mi tampi hinapi in tua lumkhat bekma nekkhawm ihih manin eite pumkhat bekma ihhi hi.

Lai Siangtho leh Lutheran Pawlpite thuhilh in Zeisu pen Pasion leh mihing hihna nei in, amahle amah kiniam khat in mihingin hong piangin singkhuam tungah asi hi. Hih bangin na ahong sepna pen mawhna thukhenni ciangin mi khempeuh hotkhiata ngahna ding ahihi. Sih ding launa leh dawimangpa thuneihna pan zong suahtakna ding ahilai hi. Amah cingtaakin thukhaam hong tangtung sak in eite gitloh mawhnate hong lakhiatsakta hi. Amahin eite hong tatkhiatna in singkhuam tungah anuntakna biakpiakna hong pia ahihi. Pasion in Zeisu sihna hangin eite mawhna sihna tangin hong sansak ahihi. Zeisu sihna pan hong thawhkikna hangin Pasion in ahong sansak Zeisu biakpiakna pen mi khempeuh mawhna tang ahihi.

Mt 5:15 Moses thukhaam le kamsangte thuhilhate aphiat dingin hong pai hi ci in hong ngaihsun kei un. Tuata aphiat dingin ahong paihilo in amaute hillna akiciangsak dingin a hong pai kahizaw hi.

Rom 5:19 Mi khatin thu amanloh manin mitampi mawh asuhsak mahbang in mikhatin thu amanna hangin mitampi in Pasion tawh kipawl theihna angah dinguh ahihi.

Isai 53:6 Topa in eite khempeuh mawhnate amatungah asuan hi.

2 Cor 5:21 Khrist tawh ihkipawlina hangin eite zong Pasion tawh akibangin mi dik ihsuathaihna dingin mawhna aneilo Khrist pen eite taang dingin Pasion in mawh neimi asuaksak hi.

Ephe 1:7 A masisan hangin eite in hotkhiatna ihngah a, mawhmaisakna zong angah ihhi.

2 Tim 1: 10 Tua ahihmanin Pasion teelmite in zong Khrist Zeisu hangin hotkhiat naleh tawntung minthanna angahkhawm theihna dingun amaute hangin nakhempeuh kathuak hi.

Lai Siangtho leh Lutheran Pawlpi thuhilhin Pasion in mi-mawh khempeuh thukhen in Zeisu Khazih singkhuam tungah asihna hangin mithuman in hong muta ahihi. Pasion in gitlohna leh mawhna daan pan in suahtate ihihlam hong genkhiata hi. Mawhnei miten ihngah manpiakloh mawhmaisakna letsong hi a, nasep hoihna hang ahilo, ih up theihna hang ahihi. Siamtansakna angah nu, angah pa pen Khazih a up manleh ama hotkhiatna nasepna hang ahihi. Hih letsong pen Pasion kiang pan ahihi.

Ephe 2: 8,9 Note upna hangin Pasion hong hehpihna tawh hotkhiatna angah nahi uhhi. Note thalawhna hangin angahhilo in Pasion hong piak khong ahihi. Note hangciamna tawh angah hilonahihman un nakisiahna dinguh athu omlo hi.

2 Cor 5:19 Tua ahihmanin kote thugen bulpi in Pasion in mite mawhnate ngaih sungnawnlo in Khazih hangin leitung mikhempeuhleh amah akilemin hong bawla tua kilemna thu agen dingin kote hong seh hi.

Rom 3: 22-24 Tua thu in Jew mileh Gentail mikua mah akilamdangna omlo in Zeisu Khazih upna hangin mikhempeuh in Pasion tawh kipawltheihna angah hi. Mikhempeuh mawhciai uha, ahong honkhia Pasion tawh kigamla uhhi. Ahizongin Pasion in ahong hehpihna hangin Khazih Zeisu tawh hong tatkhia manin amah tawh akipawl theikik hi.

Rom 3: 28 Banghanghiam cihleh mikhat peuh Pasion tawh akipawl theihna pen thukhaam zuizawhna hanghilo in upna hanghici in ihgen zo hi.

Rom 4:5 Ahizongin Pasion maipha ngah nadingin nasepna suangloin upna asuang mipa pen Pasion in mimawh kimlai midik hi ci in sang ahihmanin amah tawh akipawl theih nadingin Pasion in tua mipa upna thupi san hi.

Mk 16:16 Lungdamna thu umin tui akiphum mi peuhpeuh in hotkhiatna ngah ding hi.

Lai Siangtho leh Lutheran pawlpi hihthuh in tuiphumna pen asiangtho nasep khat ahihi. Pasion hong sinsak thu zong ahihi. Tui kizatna leh Pasion kammal kizatna tawh mawh maisakna hong pia in, khathu tawh kisai nuntakna leh tawntung gupkhiatna ahihi. Hihthuh ah khangno leh khangham, naupangte zong akihel ahihi. Naungekte zong mawhnei hi a, tua mah bangin khathu tawh kisai ah tuiphumna tungtawnin suah kik ding akisamte ihhihi.

Mt 28: 19 Tua hihciangin note pai unla midang khempeuh keima nungzui mi suaksak in Pa, Ta leh Kha Siangtho min tawh tui sungah naphum un.

Jn 3: 5,6 Zeisu in amantakin kong genin ah mi khatpeuh tuile Kha Siangtho tawh asuakkik kei leh Pasion Ukna sungah lut theilo ding hi. Mihing sungpanin asuakte mihing mahhibek a, KHa tawh asuakte pen khami ahihi.

Titus 3:5 Amah in eite hong honkhia hi. Eite in na hoih isepzawhna hangin hong honkhia hiloin eite tungah suahtakna le nuntakna thak ahong pia Kha Siangtho in hong sawpsiangna hangin a hong hehpihna tawh ahong honkhia ahihi.

Mk 10:14 Zeisu in tua thu aphawk ciangin ahehsuak a, anungzuite kiangah Naupangte kham kei unla kakiangah hong paisak un banghanghiam cihle Pasion ukna suangah hih bang mite aom ahihi.

Sawltakte 22:16 Tu in bang ngak lai ding nahi hiam? Tho inla Pasion kiangah thu ngenin kituiphum inla na mawhnate silsiangsak in hong cihhi.

Mk 16:16 Lungdamna thu umin tui akiphum mi peuhpeuh in hotkhiatna ngah ding a aumlo mi peuhpeuh in mawhsakna thuak dinguh hi.

Lai Siangtho leh Lutheran Pawlpi hilhthu in Khristian pawlpi asiangtho khat bek om hi. Zeisu a ummi khempeuh ih bawl thu ahihi. Akimu theilo mihing lungsim upna thu ahihi. Upna kua in nei hiam cih Pasion bekin thei a, tua mahbangan asiangtho Khristian pawlpi mimalte ahi uhhi. Hih aki mukhi-atheilo pawlpi pen lungdamna thu (gospel) akigenkhiatna munte ah kimu hi. Hih bang kikap theihna pen mipawl khate paikhawmin Pasion thuzakna akimu thei pawlpi biaknate ahihi. Vangsiatna tawh kipawlpa tuamtuanle mawhna tawh kidimte hang ahizongin, ahoih kineih khemte le amanlo thuhilhthe kidalna cihte ahihi. Biakna kipawlkhopnate zatbek tawh upna tawh kidim Pasion thu zuihna khempeuh ahihi.

2Tim 2:19 Ahizongin Pasion in aphuhsa sutpi kilokzo ngeilo ding hi. Tua sutpi tungah topa in ama mikuateng hiam cih thei hi,cihnale topa tawh kipawl ing aci peuhmah in mawhna sukhalo ding hi cihna kigel hi.

Jn 18: 36 Zeisu genin ah keima gam pen hih leitung ahilo hi.

Jn 8: 31,32 Ka thuhilhthe nakepnak uhle note ka nungzui taktakte nahi uhhi. Tuabanah thumaan nathei dinguh a, tua thumaan in note hong suaktasak ding hi.

Isai 55: 10,11 Banghang hiamcihle vangtung panin guahtui le vuk hong pai in amaute ciahkik loin leitung kawtsakin kungnote mengin selkhi-asak a khaiwawhpa khaihi pia in ane pa tungah an apiak mahbangan keima kampanin apaikhia ka thu zong tuamah bang dinghi. Ahawmpi in kei kiangah hong tungkik lo ding a, keima ngimnasa bangin tangtung sakin amah kasawlpa thu tangtung ding hi.

1 Cor 1: 2Korin khua a om Pasion pawlpi mit le eite topa bek hilo in amaute topa zong ahi i topa Zeisu Khazih tungah thu angen mun khemp-euhah aom mite tungah lai ka hong khak uhhi.

Rom 16:17 Lawmte aw note theisa thute gensia langpangin mite upna nawngkaisakin pawl akikhensak mite kidawm un. Tua bang mite tawh kikhawl vet kei un.

Lai Siangtho leh Lutheran Pawlpi hilhthu in Kha Siangtho pen amaan Pasion, Pa Pasion leh Ta Pasion tawh akikim ahihi. Amah in min nei in, gamtat hoihna Pasion bek ii neih ahihi. Kha Siangtho in lungdamna tungtawnin ih lungtang sungah upna hong guan ahihi. Amah in eite upna hong kepsakin leh eite nasep hoih asemkhia dingin thalawpna hong guan ahihi.

Sawltakte 5: 3,4 Peter in Ananias aw bang hangin Satan thu in gamta a nalo zuak man sumte pawlkhat kem simin Kha Siangtho khemnahi hiam?...mite akhem hilo in Pasion akhem-na hihi aci hi.

2Cor 13:14 Topa Zeisu Khazih hong hehpihna thupha le Pasion hong itna le Kha Siangtho tawh kilholh theihna note khempeuh tungah hong tung taken.

Late 139: 7,8 Nangmah apelh dingin koiah pai dinga nangma omna panin koi laiah taikhia ding kahi hiam? Vantungah kahto leng tua lai ah nang naom dinga, leinuai misite gamah lupna bawlta leng zong tua laiah zong nang na om veve ding hi.

Job 33:4 Bang hanghiam cihleh Pasion kha in kei hong-sawl a vanglian pa in kei tungah nuntakna hu hong pia hi.

Titus 3:5 Amah in eite hong honkhia hi. Eite in nahoih ihsepzawhna hangin hong honkhia hiloin eite tungah suahtak-na le nuntakna thak ahong pia Kha Siangtho in hong sawp-siangna hangin ahong hehpihna tawh ahong honkhia ahihi.

Ephe 3:16 Note lungsim athahat nadingin Pasion in a kicing ama vangliat na sung panin a Kha Siangtho tawh note hong thakhuah sakin.

Gal 5: 24,25 Tua hi a Zeisu Khazih azuimite in aleitung lungsim pianzia uhle aleitung lungsim deihna khempeuh uh aphiat khitsa ahihi. Kha Siangtho in eite hong nungtasak khinta ahah manin ama hong sawlna bangin eite anungta ding ihhihi.

Lai Siangtho leh Lutheran Pawlpi hilhthu in Kha Siangtho hangin honpa Zeisu up theihna lungsim hong guan hi. Kha Siangtho in ahong bawlsak upna sungah kalsuan nang in lungdamna thusungah Pasion kammal asiangtho tuiphumzatna leh asiangtho nekkhawm neknate ahihi. Ete nasep zawhna hang tawh pianthakna angahte ihih lohlam eite in ih um hi. Hih pen Pasion nasep hehpihna liuliau hang bek ahihi. Lung damna gospel santheihlohna in eite mimal khialhna bulpi ahizaw hi.

1 Cor 6:11 Note pawlkhat tua bangin nagamta uhhi. Ahizongin note pen i Topa Zeisu Khazih leh i Pasion Kha Siangthohangin mawhna panin ahong kisiangsak khinsa Pasion tungah akiPIASIA, Pasion tawh akipawlsa mite nahi uhhi.

Jn17:17 Nama thumaan hilhna tawh amaute asiangtho nangma zat dingin na bawl hi.

2 Thess 2:13,14 Ahizongin sanggamte aw topa in note hong it a, Kha Siangtho vangliatna hang le note in thumanna upna uh hangin ama mi siangthote nasuah nadingun nopsakna angah masa dingin Pasion in note hong teel ahih manin note hangin Pasion tungah lungdamna kako tawntung uhhi. Topa Zeisu Khazih tawh minthanna nangakhawm theih nadingun note tungah ka hong hilhuh lungdamna thu tawh hih nopsakna ah Pasion in note ahong sam ahihi.

Rom 10:17 Tua ahihciangin zakna panin upna hong piangthei a Khazih thu up nading pen hilhna panin hong piangthei pah hi.

Sawltakte 2: 38 Tua ciangin Peter in amaute kiangah Na mawhna uh kisik unla namawhna uh hong kimaisak theih nadingin Zeisu Khazih min tawh tuikiphum ciat un. Tua hileh Pasion piakkhong Kha Siangtho nangah dinguh hi.

Sawltakte 15:3 Gentail mite pianthakna thu amaute in agen uhhi. Sawltakte 7: 51Nalungsimuh khauh mahmah a....Kha Siangtho thu namang nuam kei uhhi.

Lai Siangtho leh Lutheran Pawlpi thuhilhin thu ummiten thungen cih ahihi. Zeisu min in muanna tawh Pasion tungah thugen thei in, angen thei ahihi. Eite kitaangsapte Pasion tung ah ap in amah phatin amah tung lungdamko in ahikeileh midange ading thungetsakna ahihi. Thunget icih pen gupkhiatna ngahna lampi hilo hi. Banghangin Khristiante thu ngen hiam cihle hong dawng ding cih hong kamciamnate ahihi. Khat vevei ih thungetnate hong dawng pah in hong dawngpahloh hunzong om hi. Khat vevei Pasion in ahunman ngakin ih thungetnate hong dawng hi.

Late 19:14 Ahih hangin a aw uh leitung khempeuhah kizel a akammal uh lei mong dongah atung hi. Amau sungah ni ading omna khat bawl khin a.

Late 50: 15 Haksat hunciangin kei matungah hong ko un. Note kong honkhia ding a note in keima min nong thangsak dinguh hi, aci hi.

Mt 7:7 Ngenun nanget uhleh hong kipia ding hi. Zong un nazong uhleh na muding uhhi. Kongkhak nakiu un nakiu uhleh hong kihon ding hi.

Mt 21: 22 Upna naneih nakuh leh na nget peuhpeuh uhna ngah ding uhhi, aci hi.

Jn 16: 23 Tua hungciangin keikiangah bangmah nong ngennawn kei ding uhhi. Amantakin kong genin ah keima minsuangin nanget peuhpeuh uh Pa in hong pia ding hi.

1Tim 2:1 Amasa penin kong gennop thu in mikhempeuh adingin Pasion tungah ngetna thungetna thumana le lungdamkohna na neih dinguh ahihi.

1 Thess 5: 17 Thungen niloh un.

Ephe 6: 18 Kha Siangtho tawh kopin atawntungin Pasion kiangah na kisapna khempeuh uh ngenin na thum unla tatsat loin Pasion mi khempeuh adingin thu nangetsak un.

1 Tim 2:8 Mun khempeuhah a om pasal khempeuh in kuamah tawh kitotna le lungsim kinopmawhna nei hetloin lungsim siangtho tawh akhutuh lamin thu anget dinguh ka deih hi.

Lai Siangtho leh Lutheran Pawlpite hilhthu in Zeisu Khazih sungah upna pen nungta in thahat hi. Tua mah bangun upna in nasephoih piang khia a, Pasion maipha zong musak hi. Upna manin Pasion thu kemcingin, Pasion deihna bangun asiangtho nate sep ding lunggulh hi. Mawhna tawh kidim hihleitung ah nasep hoih asemkhia Khristian mite pen mawhna tawh hing den uhhi. Cikmah hunin gamtat hoih nuntakna ihnei ngei kei ding hi. Zeisu hangbekin Khristiante gamtat hoihlohnate vantung a Pa Pasion in asantak dingin hoihna namkim tawh hong ngaih-sutsak hi.

James 2: 17 Tua ahiah ciangin gamtatna in azuilo upna guakpen asi ahiihi.

Heb 11:6 Upna lotawh kuamahin Pasion lungkimsak zolo hi. Pasion kiang azuan mipeuhmah in Pasion aom takpi ahiihna thule amah azongte Pasion in thaman pia hi ci-in a upding kism ahii.

Rom 7: 19 Ahoih ka gamtat nopteng gamta loin, ka hihnop loh siatnate kagamta zawsop hi.

Isai 64:6 Kote khempeuh mawhnei mikahi khinguh a kagamtat hoih khempeuh uh zong puannin tawh kibang laiveve hi. Kote khempeuh singteh bangun kavulkhin uh a, ka mawhna hangun huih letkhiat nahthel keu kabang uhhi.

2Cor 7:1 Tua ahiihmanin ka hong itlawmte aw, pumpileh lungsim aninsak theite khempeuh pan in kisiansuahin, Pasion zahtakna tawh nungta in siangtho sinsen in om ni.

Gal 5:6 Bang hanghiam cih leh Zeisu Khazih tawh ikipawl ciangin vun-at na leh vunat lohna athupi omtuanlo a, Khazih i upna hangin midangte i itna athupi hibek ho.

1 Thess 4: 3 Note asiangtho in nungta in numei tunga mawhna tawh nakipelh siangtho nadinguh Pasion in hong deih hi.

Ephe 2:10 Eite ahong bawlpia pen Pasion hi a, Zeisu Khazih tawh i kipawl ciangin i nuntakna ah gamtat hoih anei dingin ahong bawlpia ihiihi. Hih pen eite omzia dingin ana ngaihsut kholhsa ahiihi.

Lai Siangtho leh Lutheran Pawlpite hilhthu in leitung kipiansak ma a, aom khinthu ahiihi. Pasion in mimal nateel in upna hangin tawntung nuntakna hong ngahsakin leh lungdamna tungtawnin kikhelna hun zong hong pia hi. Hih bang ahong teelna in lampi dang mawhsakna omlo in ahoihna ahiihkeile sep-nate ama ahongteel mite tungah Pasion in hong mukhol khin hi. Tua banah hih bang hong lahna in gupkhiatna ihngah taktakna pen Pasion hehpihna kia bek ahiihi. Hehpihna pen Pasion itna ngah ding eite akilawmlo hehpihna Zeisu Khazih tungtawn panin mihing khempeuh hong lak, hong pia ahiihi.

Ephe 1: 4-6 Ama mai ah eite pen paubaanna aneilo misiangthote ahi ding le Khazih hangin ama mite ahi dingin leitung a pianma pek nangawnin Pasion in ahong teelsa ihiihi. Pasion in Zeisu Khazih hangin ama mite ahidingin eite ahong bawlpia ding asehkholhsa hi a, tua bangun ahong bawlpia ding pen ama tupna le autna ahiihi. Ama it tapa hangin hih bangun letsong hong pia ahiihmanin ama hong hehpihna hangin Pasion phat ni.

Rom 11: 5,6 Tua mahbangin tuhun in zong Pasion in amahehpihna tawh ateel sa mitawmkhat omlai hi. Ateelna ah mite nasepna bulphuhin ateel hiihin ama dikna hangin ateel hizaw hi. Pasion in mihingte nasepna bulphuhin ateel hileh Pasion dikna pen dikna kici theilo ding hi.

Sawltakte 15:11 Tuabangin igamta hetkei ding hi. Amaute mah bangun eite in zong i up manin topa Zeisu hehoihna tawh hotkhiatna i ngah hi ci-in thu agen hi.

Rom 5:15 Ahizongin Pasion hong piak letsong pen Adam mawhna tawh kibang lo ahiih manin tua tegel tehkak theih dinghilo hi. Tua mikhat akhiialhna hangin mitampi asihna pen aman mah ahiihi. Ahizongin Pasion hong itna le hong hehpihna nakpitakin lianzaw lai a, mikhat ahi tua Zeisu Khazih hehpihna hangin mitampitak tungah hong kipia letsong lian mahmah hi.

UPNA HANGIN GUPNA NGAH(SAVED THROUGH FAITH) 16

Lai Siangtho leh Lutheran Pawlpi hilhthu in upna pen mawhnei mi kisikna honpa bek ahi Zeisu Khazih sangthei ding akisam ahihi. Tuabanah gupkhatna leh mawhnate maisakna kiciang zong ih up ding ahihi. Upna ihcihin mimal lawhcin-na bekhilo in ahikeileh mihing cingtaak nasepna ahihi. Kha Siangtho in upna hong guan ahihi. Hih bang upna akemcing mi in anuntakna abei dongin tawntung gupkhatna ngah ahihi. Gupkhatna pen upna lotawh kingah theilo hi.

Jn 1: 12 Tua banghitaseleh ama thu ngaiin amah aum-mite khempeuh tungah Pasion tate suahtheihna ding thu apia hi.

Sawltakte 10:43 Amah aummite khempeuh in ama min hangin amawhna uh amai nading thu kamsangte khempeuh in zong gen belin aneih khat uh ahihi aci hi.

Gal 2: 16 Ahizongin Zeisu Khazih upna hang bek tawh Pasion tawh kipawl theihna kingahin thukhaam zuihna hang tawh kingah ngeilo hi ci in ka thei uhhi. Kote mahmah in zong Khazih hangin Pasion tawh kakipawl theih nadingun Zeisu Khazih ka um uh a, thukhaam deihna ka zuihna hanguh tawh hilo hi. Banghang hiam cihleh Thukhaam zuihna hang tawh kuamah in Pasion tawh kipawl theihna ngahzolo hi.

Sawltakte 16: 30,31 Tuaciangin amaute pusuahpih a tote aw hotkhatna kangah nadingin bangci gamtat ding kahi hiam? ci in adong hi. Amaute in topa Zeisu um in, tuahileh nangle na innkuanpihte in hotkhatna na ngah ding uhhi ci-in a dawng uhhi.

Jn 3: 36 Tua ahihmanin topa aummi peuhmah nungta tawntung ding a, tapa thu amanglote in nuntak mulo ding a, amaute tungah Pasion heh tawntung dinghi aci hi.

Mt 24:13 Ahizongin abei dongin athuakzote in hotkhi-atna ngah dinguh hi.

KISIKNA(REPENTANCE)

~ 17 ~

Lai Siangtho leh Lutheran Pawlpi hilhthu in kisikna pen mawhna theihphna leh acitak thupit ngaihsutna ahihi. Mawhnei akisik mi in Pasion muanna tawh mawh maisakna Zeisu hangin ngah hing cih upna nei ding ahihi. Kisikna ihcihin kuamahin lamet zawh loh hotkhatna lungsim neihlohna dinmun ahihi. Mawhnei mi kisikna taktakin acing taak maisakna leh akician Pasion piaksuahtakna ahihi. Tua mahbangin mawhna tawh ki-dim nuntakna akua mapeuhin nusiak ding zongin, Pasion sungah asiangtho nuntakna tawh nuntak ding ahihi.

Isai 55: 6,7 Akimuh theih hunlai in topa zong unla amah anai omlai in thu ngenun. Migilo in ama gitlohna nusia henla thuman lomi in ama ngaihsutna nusia hen. Amah in aheh-pih theih nadingin topa eite Pasion kiangah amah paisak un. Banghanghiam cihleh amawhna maisiangsak ding hi.

Mk 1:15 Na mawhna uhkisikkik unla hih lungdamna thuthak umun ci in ahilh hi.

Mt 4:17 Tua hun akipan in Zeisu in thuhilh ding kipan a Vantung ki-ukna hong naita ahih amanin kisikin na omzia uhkheel un ci in thu ahilh hi.

2Cor 7:10 Ahizongin hih leitung dahna lelte in ahihleh sihna piangsak hi.

Lk 18: 13,14 Ahizongin siah dongpa pen agamla simah ding a, vantung lamah zong dakngamloin adip humin kuncip a Pasion aw kei mimawh mikhial Pa hong hehpih in ci-in angen hi. Ken kong cihin ah hih mipa pen Pasion tawh akilemsa in a inn ah ciah a akhat pa pen tua bangin ciahlo hi. Bang hanghiam cihleh akiliansakte pen kiniamkhiatsuk ding a kiniamkhiatte pen alianin kibawl ding hi, aci hi.

Lai Siangtho leh Lutheran Pawlpite HilhThu
(What the Bible And Lutherans Teach)
Author by Harold A. Essmann



Translated by
: Rev. Thang Khan Kham
: Secretary, ZLCM
: theclcm@gmail.com or
zomilcm@gmail.com
: 09400 47 33 79 or 0932505983